



RÈGLEMEN ENTÈN MANB FONDATÈ

Atik 1- Definisyon Manb Fondatè.

1.1- Manb Fondatè Rezo Pwogram Anivèsè HOTSPOT ONE (REPAHO), se **Gason ak Fanm** ki rejwenn premye inisyatè lide a. Se moun ki pataje, makònen epi aksepte filozofi pwomotè lide a ap fè pwomosyon pou li a.

1.2- Tout moun sa yo ki vini **Manb Fondatè Rezo Pwogram Anivèsè HOTSPOT ONE (REPAHO)**, yo vini genyen menm dwa ak pwomotè lide a nan tout desizyon depi se pou bon mach **Rezo** an. Nan sans sa a, **Manb Fondatè** yo se fanmi, ak zanmi, ki rejwenn pwomotè lide a pou fòme premye pi gwo **Estrikti Rezo** an.

Atik 2- Reprezantasyon Kategori Manb Fondatè (Board).

Kategori Manb Fondatè (Board) Rezo Pwogram Anivèsè HOTSPOT ONE (REPAHO), genyen yon **Estrikti** ki ap dirije **Rezo** an avèk li ki pote non: **Komite Jesyon Selebrasyon Anivèsè (KOJESA)**. Se **Komite** sa a ki la pou dirije ak administre tout kesyon ki konsène **Rezo** an ki genyen pou reyini, diskite ak debat tout dosye ki pote sou objektif **Rezo** an ap pousuiv lòske yo genyen konvokasyon ki soti nan **Komite Jesyon Selebrasyon Anivèsè (KOJESA)**.

Atik 3- Konpozisyon Manb Komite.

Rezo Pwogram Anivèsè HOTSPOT ONE (REPAHO) ap jere pa mwayen yon **Komite** ki genyen non **Komite Jesyon Selebrasyon Anivèsè (KOJESA)**. Epi ki ap administre ak yon **Komite** ki genyen **Senk (5) Manb** ladan li ki se:

- **Prezidan.**
- **Sekretè Jeneral.**
- **Responsab Trezò.**
- **Pòt Pawòl.**
- **Konseye Jeneral.**

Atik 4- Kategori Manb Fondatè.

Kategori Manb Fondatè (Board) la ki nan **Rezo Pwogram Anivèsè HOTSPOT ONE (REPAHO)** genyen **Dwa Veto**. **Manb Fondatè** sa yo ap genyen pou diskite ak pran desizyon nan reyinyon **Komite Jesyon Selebrasyon Anivèsè (KOJESA)** ap genyen pou planifye. Sepandan, **Manb Fondatè** sa yo kapab kase tout desizyon ki pa kadre ak **objektif, Vizyon, Misyon Rezo Pwogram Anivèsè** an. Epi **Manb Fondatè** sa yo tou kapab mande ak **KOJESA** bon jan eksplikasyon sou fonksyonman **Rezo Pwogram Anivèsè** an.

Atik 5- Atribisyon Manb Komite.

Manb **Komite Jesyon Selebrasyon Anivèsè (KOJESA)** genyen pou atribisyon:

- Planifye selebrasyon anyèl pou **Kategori Manb Byenfetè Rezo** an.
- Elabore bidjè masyèl ak anyèl **Rezo** an pa mwayen kotizasyon manb yo.
- Distribiye montan kotizasyon chak fwa ak chak manb lè anivèsè yo rive.
- Distribiye ak chak manb bidjè masyèl ak anyèl anivèsè tout manb yo.
- Retire penalite lè genyen reta ak dedwi taks pou reyalize selebrasyon anyèl la ak pou ranfòsman enstitisyonèl.
- Prezante rapò resèt sou kolèk kotizasyon ak distribisyon montan kotizasyon, dediksyon taks ak sanksyon sou reta, depans pou selebrasyon anyèl manb yo.
- Planifye ak pwogramme gwo desizyon estratejik **Rezo** an.
- Veye sou bon fonksyonman **Rezo** an pa rapò ak **Estati** epi **Règleman Entèn** yo
- Resevwa dosye kandida ak evalyasyon yo pou entegre nan **Rezo** an.
- Resevwa kont randi, sigjesyon ak rekòmandasyon manb **Rezo** an.
- Nome manb nan **Komisyon** si sa nesèsè ak lòt manb nan **Rezo** an lè genyen pòs ki vid.
- Aplike disiplin ak sanksyon sou tout manb ki fotif nan **Rezo** an.
- Amande **Règleman Entèn Rezo** an sou demand moajorite manb yo.

Atik 6- Fonksyon Manb Komite.

A- Prezidan.

- Konvoke reyinyon pou planifye aktivite anyèl ak bidjè **Rezo** an.
- Anime reyinyon **KOJESA** ak delibere sou desizyon **Komite** a ap pran.
- Otorize depans sou lajan kotizasyon manb **Rezo** an.
- Otorize entegrasyon nouvo manb nan **Rezo** an.
- Siyen pwosè vèbal reyinyon ak tout dosye administrasyon **KOJESA**.

B- Sekretè Jeneral.

- Asiste **Prezidan** an nan reyinyon li yo kòm manb ki ap distribiye la pawòl.
- Redije pwosè vèbal reyinyon **Òdinè** oubyen **Ekstrawodinè** yo.
- Resevwa dosye nouvo manb ak kominike yo bay **Prezidan** an.
- Fè mesaj rapèl ak tout fetan mwa yo epi sou dwa kotizasyon yo.
- Konsève tout achiv **KOJESA** a genyen.
- Siyen ak **Prezidan** an pwosè vèbal reyinyon **Òdinè** oubyen **Ekstrawodinè** yo ak tout dosye administratif **KOJESA**.

C- Responsab Trezò.

- Prepare bidjè kotizasyon masyèl ak anyèl manb **Rezo** an.
- Prepare bidjè selebrasyon anyèl manb **Rezo** an.
- Resevwa montan don kotizasyon manb **Rezo** an.
- Dedwi taks obligatwa ak penalite sou reta pèman kotizasyon manb **Rezo** an.
- Prezante rapò kotizasyon masyèl manb yo ak rapò depans selebrasyon anyèl **Rezo** an.
- Siyen avèk **Prezidan** an Rapò depans masyèl ak anyèl **Rezo** an.

D- Pòt Pawòl.

- Reprèzante **Prezidan** an ak **Sekretè Jeneral** la pou pote mesaj nan bouch oubyen ekri.
- Asiste **Sekretè Jeneral** la nan divès fòm kominikasyon li yo.
- Pran la pawòl piblik nan non **KOJESA**.
- Dirije la pawòl tankou mèt seremoni lè genyen selebrasyon anyèl **Rezo** an.

E- Konseye Jeneral

- Bay konsèy sou tout desizyon **KOJESA** ap pran nan non **Rezo** an.
- Veye sou bon jesyon **KOJESA** epi fè rekòmandasyon sou fay li wè ki genyen.
- Jwe wòl abit lè genyen bouch louvri nan mitan manb **KOJESA** yo ak rès manb **Rezo** an.

Atik 7- Dwa Prezidan An Nan Konvokasyon Ak Moderasyon Reyinyon.

7.1- Kèlkeswa reyinyon ki ap fèt swa **Òdinè** oubyen **Ekstrawòdinè**, epi sou kèlkeswa fòm li ap fèt la tankou fizikman, apèl konferans ak apèl videyo, se **Prezidan** an ki ap genyen dwa pou li fè konvokasyon ak **Komite Jesyon Selebrasyon Anivèsè (KOJESA)** epi ak lòt **Estrikti Rezo Pwogram Anivèsè HOTSPOT ONE (REPAHO)**. Epi se **Prezidan** ankò ki ap genyen dwa pou li fè moderasyon reyinyon an.

7.2- Sepandan, nan ka **Prezidan** an ta genyen yon anpechman, se **Konseye Jeneral** la ki ap genyen dwa pou li jwe wòl **Prezidan** an genyen nan konvokasyon ak moderasyon reyinyon.

7.3- Konsa tou, kit se **Prezidan** an kit se **Konseye Jeneral** la ki te fè konvokasyon an, youn nan yo kapab mande nenpòt **Manb** pou jwe wòl moderatè nan reyinyon an pou pèmèt patisipasyon anplis chak manb nan jesyon tan rankont yo ak tan lapawòl.

Atik 8- Reyinyon Manb Fondatè Ak Desizyon.

Tout **Manb Fondatè Rezo Pwogram Anivèsè HOTSPOT ONE (REPAHO)** yo dwe prezan nan tout reyinyon ki ap fèt swa **Òdinè** oubyen **Ekstrawòdinè**, epi kèlkeswa fòm li ap fèt la, tankou; fizikman, apèl konferans ak apèl videyo. Si toutfw a ta genyen yon **Manb Fondatè** ki pap ka prezan nan yon reyinyon, **Manb Fondatè** a dwe fè **Prezidan** an konnen sa davans. Nan ka kontrè, **Manb Fondatè** ki prezan yo ap pran tout desizyon pou avansman **Rezo** an.

Atik 9- Respè Règleman Entèn Nan Desizyon Manb Fondatè.

Kèlkeswa desizyon majorite **Manb Fondatè Rezo Pwogram Anivèsè HOTSPOT ONE (REPAHO)** ap pran, fòk desizyon sa a pa vyole youn nan atik ki nan **Règleman Entèn Rezo** an. Si desizyon an ta rive vyole **Prensip Fondamantal Règleman Entèn** yo, desizyon sa a, menm si se majorite **Manb Fondatè** yo ki pran li ebyen desizyon sa a pap valab.

Atik 10- Delè Pou Konvokasyon Manb Fondatè.

Tout konvokasyon pou reyinyon **Komite Jesyon Selebrasyon Anivèsè (KOJESA) Rezo Pwogram Anivèsè HOTSPOT ONE (REPAHO)** ap fèt **Vennkat (24) èd Tan** alavans. Sepandan, si ta genyen yon ijans nan **Rezo** an, nan ka sa a, **Prezidan** an ap genyen dwa pou li konvoke tout **Manb Fondatè** yo san li pa teni kont ni jou ak lè li ye a.

Atik 11- Desizyon Pou Yon Manb Fondatè Ki Abandone.

Si nan yon reyinyon **Manb Fondatè Rezo Pwogram Anivèsè HOTSPOT ONE (REPAHO)** ta genyen pou yo pran yon desizyon pou bon mach **Rezo** an, ta genyen yon **Manb Fondatè** oubyen plizyè **Manb Fondatè** ki ta deside kite reyinyon an pou kèlkeswa rezon an, san reyinyon an poko fini, lè sa a, lòt **Manb Fondatè** ki rete yo ap genyen dwa pou yo pran kèlkeswa desizyon an menm si yo pa majorite depi se pou bon mach **Rezo** an epi depi li kadre ak **Estatè Rezo** an.

Atik 12- Respè Pou Desizyon Majorite Manb Fondatè.

Tout **Manb Fondatè** dwe respekte desizyon majorite **Manb Fondatè** yo pran depi desizyon sa pa kontrè ak filozofi, misyon epi vizyon **Rezo Pwogram Anivèsè HOTSPOT ONE (REPAHO)** ap defann.

Atik 13- Kowòm Pou Manb Fondatè Pran Desizyon.

Tout gwo desizyon **Manb Fondatè Rezo Pwogram Anivèsè HOTSPOT ONE (REPAHO)** ap genyen pou yo pran pou bon mach **Rezo** an, **Manb Fondatè** yo dwe pran li nan yon reyinyon epi reyinyon sa a dwe genyen majorite **Manb Fondatè** ladann. Nan ka pa ta genyen majorite **Manb Fondatè** ki prezan nan reyinyon an, Lè sa a, lòt **Manb Fondatè** yo ki prezan pap kapab Pran okenn gwo desizyon.

Atik 14- Obligasyon Respè Youn Pou Lòt.

Respè youn pou lòt se yon obligasyon nan mitan tout **Manb Fondatè** yo, menm jan sa ekri nan atik yo ki nan **Estati Rezo Pwogram Anivèsè HOTSPOT ONE (REPAHO)**.

Atik 15- Frekans Reyinyon ak Sanksyon.

Kategori Manb Fondatè (Board) Rezo Pwogram Anivèsè HOTSPOT ONE (REPAHO) dwe reyini chak **Youn (1) Mwa** nan dènye samdi mwa a pou diskite sou pwogrè ki fèt ak pèspektiv yo konvokasyon sa ap fèt ak tout **Manb Fondatè** yo sou platfòm vityèl yo pa yon mesaj oubyen yon nòt ki pote siyati **Sekretè Jeneral Komite Jesyon Selebrasyon Anivèsè (KOJESA) Rezo** an sou jòu ak lè reyinyon sa ap fèt dire reyinyon sa a pa dwe depase **De (2) èd Tan**.

Atik 16- Don Manb Fondatè.

Kèlkeswa **Manb Fondatè** a kapab fè **Don** ak **Rezo Pwogram Anivèsè HOTSPOT ONE (REPAHO)** sou kèlkeswa fòm nan tankou an espès epi an nati.

Atik 17- Sanksyon Pou Manb Fondatè ki Abandone.

Kèlkeswa **Manb Fondatè** ki nan **Rezo Pwogram Anivèsè HOTSPOT ONE (REPAHO)**, pa genyen dwa pase **Douz (12) Mwa** san **Manb Fondatè** a pa patisite nan reyinyon ak aktivite yo pou kèlkeswa rezon an, Sinon, **Manb Fondatè** a ap vini yon **Manb Inaktif**. Kidonk **Manb Fondatè** a dwe remèt tout sa ki nan men li si li genyen epi fasilite tout chanjman yo pou avansman **Rezo** an.

Atik 18- Radyasyon San Reklamasyon.

Kèlkeswa **Manb Fondatè** a ki ta soti nan **Rezo Pwogram Anivèsè HOTSPOT ONE (REPAHO)**, pou kèlkeswa rezon an **Manb Fondatè** a pap kapab fè okenn reklamasyon. Epi pa bliye, tout sa yon **Manb Fondatè** bay nan **Rezo** an sou kèlkeswa fòm li ye a se **Don** li ye, kidonk okenn **Manb Fondatè** pa genyen dwa: **Vann Li, Fè Kado Li, Prete Li, Twoke Li, Pran Li, Kraze Li, Boule Li, Ni Mete Li Nan Plàn/Brikabrak Elatriye.**

Atik 19- Pwosedi Pou Yon Manb Fondatè Demisyone.

Si yon **Manb Fondatè**, ta deside demsyone nan **Rezo** an, pou pwòp rezon pa li epi san okenn lòt **Manb Fondatè** pa ni fòse li ni mande li demsyone, **Manb Fondatè** a genyen yon fason pou li fè sa.

- Tou dabò, **Manb Fondatè** a dwe konsilte **Papa Lide** a ki te pèmèt entegrasyon li nan **Rezo** an pou diskite avèk li sou sa.

- Aprè sa, **Manb Fondatè** a ap genyen pou li konsilte tout lòt **Manb Fondatè Rezo** an, pou diskite sou motif ak kontrent li genyen ki fè li oblije demisyone.
- Se aprè li fini konsilte ak diskite ak tout **Manb Fondatè** yo, ebyen lè sa **Manb Fondatè** ki vle demisyone a ap genyen posiblite pou ekri lèt demasyon li a ki ap adrese ak **KOJESA**.
- Pwosedè sa valab pou tout **Manb Fondatè** nan **Rezo** an ki ap demisyone.
- Pou **Manb Fondatè** ki te nan **KOJESA**, fòk li remèt tout dosye, **Materyèl** ak **Ekipman Rezo** an ki te nan men li yo epi bay yon ti tan pou pèmèt lòt **Manb** ki ap ranplase manb la genyen konesans sou dosye li te trete yo epi genyen achiv sa yo pou travay la kapab kontinye.

Atik 20- Byen Materyèl Ak Imateryèl.

Tout byen **Materyèl** ak **Imateryèl** dwe disponib pou tout **Manb Fondatè Rezo Pwogram Anivèsè HOTSPOT ONE (REPAHO)** nan kad travay yo. Sepandan, tout byen **Materyèl** ak **Imateryèl Rezo** an pa dwe itilize pou afè pèsonek kèlkeswa **Manb Fondatè** li ye a.

Atik 21- Konfidansyalite Nan Pataj Enfòmasyon.

Si ta genyen yon **Manb Fondatè** pou yon rezon oubyen pou yon lòt ki ta deside pataje enfòmasyon pèsonek **Rezo Pwogram Anivèsè HOTSPOT ONE (REPAHO)** ak yon lòt manb oubyen plizyè lòt manb ki pa genyen otorizasyon pou sa, epi ki pa fè pati nonplis **Rezo** an, **Manb Fondatè** sa a pap janm genyen aksè ak enfòmasyon pèsonek **Rezo** an ankò.

Atik 22- Repatisyon Depans.

Tout depans ki prevwa fèt pou bon mach **Rezo Pwogram Anivèsè HOTSPOT ONE (REPAHO)** dwe fèt volontè, sa vle di li pa yon obligasyon pou **Manb Fondatè** a. Sa a ap fèt selon volonte ak katasite **Manb Fondatè** a genyen.

Atik 23- Kotizasyon volontè Manb Fondatè.

Tout kotizasyon volontè **Manb Fondatè** yo se pou reyalize yon pwojè kèlkonk swa a kou tèm, mwayen tèm epi ak lon tèm pou avansman **Rezo Pwogram Anivèsè HOTSPOT ONE (REPAHO)**. Okenn **Manb Fondatè** pa genyen dwa pou prete li epi ni reprann li aprè kotizasyon **Manb Fondatè** a sou kèlkeswa fòm nan.

Atik 24- Amandman Règleman Entèn Manb Fondatè.

Règleman Entèn Manb Fondatè Rezo Pwogram Anivèsè HOTSPOT ONE (REPAHO), kapab modifiye chak **Youn (1) Lanne** si sa nesesè, men fòk majorite **Manb Fondatè** yo aksepte pou sa posib. Sepandan li ap kapab modifiye tou nenpòt moman nan peryòd sa, men fòk tout **Manb Fondatè** yo aksepte pou sa posib.

Atik 25- Respe Règleman Entèn Manb Fondatè.

Tout **Manb Fondatè Rezo Pwogram Anivèsè HOTSPOT ONE (REPAHO)**, genyen pou obligasyon pou yo aplike, respekte epi fè aplike, respekte **Règleman Entèn Manb Fondatè** a.

Atik 26- Delè Pou Siyati Règleman Entèn ak Sanksyon.

Aprè siyati **Règleman Entèn Manb Fondatè Rezo Pwogram Anivèsè HOTSPOT ONE (REPAHO)**, Tout **Manb Fondatè** yo dwe respekte epi fè respekte akò yo fini siyen an, Sinon, **Manb Fondatè** a ap genyen yon delè **Twa (3) Jou** fran pou li deside. Si delè sa a pase, **Manb Fondatè** a pap kapab fè pati **Kategori Manb Fondatè Rezo** an ankò.

Mwen menm _____ **Mwen** li, **Mwen** komprann, **Mwen** aksepte epi **Mwen** siyen paske mwen dakò ak tout atik san manke yon yota ki nan **Règleman Entèn Manb Fondatè Rezo Pwogram Anivèsè HOTSPOT ONE (REPAHO)** pou mete yo an aplikasyon epi koube **Mwen** anba sanksyon yo chak fwa **Mwen** vyole youn ladan yo.

Fèt Nan Dat 06 Desanm 2022

Dat _____ / _____ / _____

Siyati Manb Fondatè REPAHO